

# 4 - MASANGA HERE KANA KUTI ZVAKARONGWA?



1

Kunzvera Zvakavanzika Zvehupenyu



2

Ngatingoti wakambogara pamhenderekedzo dzegungwa.

Mamwe mangwanani womuka nekukurumidza wofunga kufamba nemujecha rakapoterredza gungwa.

Iyi inzvimbo yakanaka kutarisa. Mimvuri yezuva inowonekwa ichitamba-tamba mumvura. Masandai-rira achirovera kumatama egungwa.



3

Paunenge uchifamba mumhenderekedzo dzegungwa muchinyararire woona tsoka dzakatsika mujecha mberi kwako.

Wozoona zvakare dzimwe tsoka dzichiteverwa nedzimwe.

Wotarisa nepaunogona napo pamhenderekedzo asi hauna munhu waunoona.

Tsoka idzi dzinokutaurira chii?

Dzinokutaurira izvi- kuti kunyangwe usina munhu waunoona asi zvinoratidza zvega kuti pane munhu ane aripo.

Pane munhu afamba pamhenderekedzo apa iwe usati wavepo.

Regai ndibvunze umwe mubvunzo.



4

Ukamira panze ukatarisa mativi ese, chii chaunoona?

Unoona sora, miti, zvikomo kana makomo, maruva, hova kana makungwa emvura kanawo nemhuka.



5

Paumire ipapo, wakamira pai?

Hongo, wakamira pasi panyika.

4 - MASANGA HERE KANA KUTI ZVAKARONGWA?

## 4 - MASANGA HERE KANA KUTI ZVAKARONGWA?



6

Tarisa mudenga, chii chauri kuona?



7

Mumasikati, unokwanisa kuona zuva, denga, kana makore.




8

Munguva dzeusiku unokwanisa kuona zviuru nezviuru zvenyeredzi kana mwedzi.



9

Ko zvasvika pano sei?  
Ko IWE wakasvika pano sei?  
Ndiani akakugadzira?



10

Vamwe vanoti upenyu hwakatanga nezvinhu zvisinganyatso onekwi nemaziso zviri mugungwa. Tunhu utwu tunonzi twakwazokura tukava tunhu tupenyu twakagadzirwa netunhu tuzhinji. Tunhu utwu tudiki twakazokura tukava tunhu tunorarama makore arizviuru zvezviuri tukakwanisa kufamba kubva mugungwa tuchienda kwakaoma uko kwatakazomera makumbo.



11

Zviuru zvezviuru zvevanhu zvanga zviino ruzivo rwakasiyana pamusoro pemasikirwo enyika nezvisikwa zvese.  
Vese vanobvuma kuti Mwari musiki ndiye akazvisika.  
Asi Mwari upiko?



12

Vanhu vanonamata vanamwari vakawanda mazuvano, vanoti: Buddha, Mahommed, Shinto, Hindu nevamwe vakasiyana.  
Vese vateveri vakasiyana ava vanoti mwari wavo ndiye mukuru.

## 4 - MASANGA HERE KANA KUTI ZVAKARONGWA?



13

Asi unoziva here kuti pavamwari vese vanotendwa munyika pane mumwe chete akati Musiki wezvinhu zvese.

Uyu ndiye Mwari wezvokwadzi wemubhuku dzvene rinova Bhaibheri. Saka tichaona kuti tichawanei kubva muBhaibheri pamusoro paMwari wakasika zvese.



14

Ukaona imba unofunga here kuti yakazvivaka yega? Kwete. Unoona kuti pane munhu akaivaka



15

Ukaona mugwagwa, unofunga kuti wakazvigadzira wega here - kana kuti pane munhu akaugadzira? Migwagwa nedzimba zvinhu nyore pane nyika nevanhu.

Kana ukatarisa vanhu nemhuka nenyeredzi hazviiti here kuti uone kuti pane munhu akazvigadzira? Pane munhu akazviumba nekuzvigadzira.



16

Tichatanga kudzidza pamusoro paMwari uyo anoti Mugadziri neMusiki wazvose.

Ngatitangei taona kuti Bhaibheri rinotii nemabasa Ake pakusika nyika nezvese zviri mairi.

Pakutanga ngatione zvakaitika pazuva rokutanga.



17

(Chiverengo: Genesi 1:1)

"Pakutanga Mwari wakasika denga nenyika."

Genesi 1:1



18

(Chiverengo: Genesi 1:3)

"Mwari akati: Chiedza ngachivepo, chiedza chikavapo."

Genesi 1:3



19

(Chiverengo: Genesi 1:4,5)

"Mwari akawona chiedza, kuti chakanaka; Mwari akaparadzanisa chiedza nerima..."

## 4 - MASANGA HERE KANA KUTI ZVAKARONGWA?



20

Madeko akavapo namangwanani akavapo, zuva rokutanga.”

Genesi 1:4,5.

Nezuva rokutanga Mwari Akasika nyika ino. Akasika chiedza nekutangidza kuti usiku nemasikati zviteedzane.



21

(Chiverengo: Genesi 1:6)

“Mwari akati: Nzvimbo ngaivepo pakati pemvura, kuti iparadzanise mvura nemvura.”

Genesi 1:6




22

(Chiverengo: Genesi 1:7)

“...Zvikaita saizvozvo.”

Genesi 1:7



23

(Chiverengo: Genesi 1:8)

“Mwari akatumidza nzvimbo, akati denga. Madeko akavapo, namangwanani akavapo, zuva rechipiri.”

Genesi 1:8

Nezuva rechipiri, Mwari Vakasika denga riripamusoro pedu, vakapesanisa mvura iripanyika nemvura irimudenga mumakore.



24

(Chiverengo: Genesi 1:9)

“Mwari akati: Mvura iripasi pedenga ngaiwungane pamwe chete, kuti pasi pakawoma pawonekwe;"/>



25

zwikaita saizvozvo.”

Genesi 1:9



26

(Chiverengo: Genesi 1: 11)

“Mwari akati: Nyika ngaimere usewa nemiriwo inobereka mbeu,



## 4 - MASANGA HERE KANA KUTI ZVAKARONGWA?



27

nemiti inobereka michero inamarudzi ayo, mbeu dzayo dziri mukati mayo, panyika; zvikaita saizvozvo.”  
Genesi 1:11



28

(Chiverengo: Genesi 1:13)  
“Madeko akavapo, namangwanani akavapo, zuva rechitatu.”

Genesi 1:13.

Nezuva rechitatu Mwari Akasika nzvimbo yakawoma, nemakungwa, nyika yese ikava nemiti.



29

(Chiverengo: Genesi 1:14, 15) Zuva rechina  
“Mwari akati: Zwiedza ngazvivapo panzvimbo yedenga, kuti zviparadzamse masikati nowusiku;



30

kuti zvive zviratidzo, nenguva, namazuva, namakore;



31

ngazvive zviyedza panzvimbo yedenga, kuti zviyenekere panyika; zvikaita saizvozvo.”  
Genesi 1:14,15



32

(Chiverengo: Genesi 1:18,19)  
“...Mwari akawona kuti zvakanaka.”



33

“Madeko akavapo, namangwanani akavapo, zuva rechina.”

Genesi 1:19.

Nezuva rechina, Mwari Vakakonzera kuti zuva nemwedzi zvivepo mudenga. Vakasika zvakare nenyeredzi.

## 4 - MASANGA HERE KANA KUTI ZVAKARONGWA?



34

(Chiverengo: Genesi 1:20) Zuva Reshichanu  
Mwari Vakasika chii nezuva rechishanu?  
“Mwari akati: Mvura ngazare nezvipenyu zvizhinji,



35

neshiri dzibhururuke pamusoro penyika munzvimbo  
yedenga.”  
Genesi 1:20



36

(Chiverengo: Genesi 1:23)  
“Madeko akavapo, namangwanani akavapo, zuva  
rechishanu.”  
Genesi 1:23. Nezuva rechishanu, Bhaibheri rinoti,  
Mwari Vakasika shiri nehove nemhuka dzose  
dzomugungwa.



37

(Chiverengo: Genesi 1:24) Zuva rechitanhatu.  
Pane mazuva ainge apfuura zuva rechitanhatu ndiro  
raive richakakosha:  
Mwari akati: Nyika ngaibereke zvipenyu zvinamarudzi  
azvo,



38

nezvipfuwo, nezvinokambaira, nemhuka dzenyika,  
zvinamarudzi azvo; zvika ita saizvozvo.”  
Genesi 1:24



39

(Chiverengo: Genesi 1:26,27)  
“Mwari akati: Ngatiite munhu nemufananidzo wedu,  
akafanana nesu;



40

ngaave nesimba pamusoro pehove dzegungwa,  
napamusoro peshiri dzedenga, napamusoro  
pezvipfuwo,

## 4 - MASANGA HERE KANA KUTI ZVAKARONGWA?



41

napamusoro penyika yose, napamusoro pezvipenyu zvose zvinokambaira panyika.”  
Genesi 1:26



42

“Mwari akasika munhu nemufananidzo wake, akamusika nemufananidzo waMwari;



43

akavasika murume nomukadzi.”



44

(Chiverengo: Genesi 1:31)  
“Mwari akawona zvose zvaakaita, zvachose zvaive zvakanaka kwazvo.



45

Madeko akavapo, namangwanani akavapo, zuva retanhatu.”  
Genesi 1:31.  
Nezuva rechitanhatu Mwari akasika mhuka, akazopedzisira nekusika munhu.



46

Adam na Eva havana kungovapo. Bhaibheri rinoti Mwari Akavaita nemufananidzo Wake.



47

Ndiye Mugadziri Mukuru - Mukwenezveri akaita kuti tivepo!  
Zuva rechinomwe  
Nezuva rechinomwe basa raMwari raive rapera rekusika achibva azorora. Akabva aisa zuva iri kuti rive Sabata rekuzorora.

## 4 - MASANGA HERE KANA KUTI ZVAKARONGWA?



48

(Chiverengo: Genesi 2:1,2)  
"Denga nenyika zvikapera saizvozvo, nowuzhinji wazvo."



49

"Mwari akapedza basa rake raakaita nomusi wechinomwe;



50

akazorora nomusi wechinomwe pabasa rake rose raakaita."  
Genesi 2:1,2



51

"Mwari akaropafadza musi wechinomwe, akaita mutsvene; nokuti wakazorora nawo pabasa rake rose, raakanga asika nokuita iye Mwari."  
Tichataura zvakawanda nezve zuva rechinomwe re Sabata rekuzorora rakasikwa naMwari pane umwe musangano urikuuya.



52

Saka apa tinemuono wekuti Mwari akasika sei nyika nezvese zviri munyika pamwe chete nesu vanhu.



53

Ngatitarisei tione mashamisiro anoita muiti neMusiki uyu.



54

Muviri wemunhu unotipa uchapupu hunoshamisa pamusoro pemugadziri nemuiti.



## 4 - MASANGA HERE KANA KUTI ZVAKARONGWA?



55

Ngatitarisei panhengo imwe yemuviri inova maziso:



56

(video: 10 Sec)

Vana-mazvikokota vanotitaurira kuti kunyorovera kwakaita mboni yeziso kunoita kuti zvitara mifananidzo zvepano panyika (cameras) zvive senge zvinhu nyore zvinotambiswa nevana.



57

Ziso rinoshandura chiedza kuva zvirevo zvinonzwisikwa nepfungwa nenzira dzakakosha zvokuti vanamazvikokota havakwanisi kuzviita. Zviri mumusoro zvinoshandura zvirevo izvi kuti zvive chishamiso chekuona izvo zvisingakwaniswi kuitwa nani zvake.



58

Ziso remunhu rinopa uchapupu rwerudo rweMusiki nekuti akada kuti tione unako hwenyika Yaaive asika. Hazvishamisi kuti Mapisarema anonyora achiti:



59

(Chiverengo: Mapisarema 139:14)

“Ndichakurumbidzai; nokuti ndakaitwa nomutovo unotyisa unoshamisa;



60

Mabasa enyu anoshamisa; Mwera wangu unozviziva kwazvo.”

Mapisarema 139:14

Muviri womunhu nepfungwa dzake hazvinzwisisiki chaizvo, naizvozvo wakausika anofanira kuva anenjere dzinokosha chaizvo.



61

Ko nyika yose yakadini? Ndeupi uchapupu hwatingaone hunoratidza kuti Mwari muiti anga ari pabasa paakasika nyika?

## 4 - MASANGA HERE KANA KUTI ZVAKARONGWA?



62

Isaya, muporofita wevhangeri, anotitaurira kuti titarise zvinhu zvakatipoteredza tigova nemuono wezvakaaitwa naMwari zviri mudenga.



63

(Chiverengo: Isaya 40:26)

“Tarirai kumusoro nameso enyu, muwone kuti ndiani wakasika izvozvi, unobudisa hondo yazvo yakawanda;



64

Iye unozvidana zvose namazita azvo; nokuda kwowukuru hwesimba rake, uye zvaari mukuru pakusimba kwake,



65

hakuna chimwe chinoshaikwa.”

Isaya 40:26



66

Wakambotarisa mudenga munenyeredzi dzisingaverengeki here? Hauna kuva nekukatyamadzwa here kuti dzese dzakabvepi uye kuti dzingava ngani?



67

Mwari Vakasevenzesa muono unotibatsira kunzwisisa zvazviri.

Akambatora Abrahamu, baba vema Arabu nema Juda akavati vaverenge nyeredzi muchadenga.



68

(Chiverengo: Genesi 15:5)

“...Zvino tarira kudenga, uverenge nyeredzi, kana uchigona kudziverenga...Ndizvo zvichaita vana vako.”  
Genesi 15:5



69

Vanoona nezvemuchadenga vanoti kana ukakwanisa kuverenga jecha riri mujinga nemakungwa ese emunyika, rinobva raringana nohuhwandu hwenyeredzi dziri muchadenga.

## 4 - MASANGA HERE KANA KUTI ZVAKARONGWA?



70

Ukawana nguva yauchaenda kumhenderekedzo yegungwa edza kuverenga mugono wejecha. Uzviye nguva yakawanda hako!  
Zvinoshamisa kuti Mambo David vakati,



71

(Chiverengo: Mapisarema 8:3,4)

“Kana ndichicherekedza denga renyu rose, iro basa reminwe yenyu, Mwedzi nenyeredzi zvamakarongedza;



72

“Munhu chinyiko, zvamunomufunga?

Nomwanakomana womunhu zvamunomushanyira?”  
Mapisarema 8:3,4.



73

(Video: 20sec) Wakambofunga here kuti Mwari anesimba uye anotonga nekuraramisa nyika yese anehanya here nematambudziko epano panyika? Jesu Vanoti kana njiva haingawiri pasi Mwari Vasingaioni.



74

(Chiverengo: Mateo 10:31)

“Naizvozvo musatya; munopfuura shiri zhinji.”  
Kunyatsojekesa rudo rwaMwari kwatiri, Jesu Vakati,



75

(Chiverengo: Mateo 10:30)

“Kana murimi, nevhudzi romusoro wenyu rakaverengwa rose.”

Mateo 10:30

Mwari anoshamisa zvikuru!



76

Isimba ripi rinaMwari rekuti Ndiye badzi anofanirwa kunamatwa?

Mwari weBhaibheri nema Kristu vanoti Mwari chete Ndivo vanefaniri yekunamatwa nekukudzwa nekuti Ndivo Musiki - Mwari.

## 4 - MASANGA HERE KANA KUTI ZVAKARONGWA?



77


Kana Vari izvo zvavanoti Vari uye Vari Musiki, zvinoreva kuti tinofanira kuvanamata. Tinobvumirana nazvo here?



78

Apo Johane, umwe wevateveri vaKristu nemunyorori webhuku rekupedzisira, Zvakazarurwa, paaiva mumuono ari pachiwi chePatimos, akataridzwa zvinofadza zviri panzvimbo yechigaro chaMwari kudenga.


Tarisa uone zvaakaona:



79


(Chiverengo: Zvakazarurwa 4:10,11)

“Vakuru vanamakumi maviri navana vowira pasi pamberi paiye ugere pachigaro chowushe, vachimunamata Iye,




80

urimupenyu nokusingaperi-peri, vachikandira korona dzavo pamberi pachigaro chowushe, vachiti:



81

Imi Ishe, Mwari wedu, makafanira kuti muvigirwe kubwinya, nokukudzwa, nesimba,



82

nokuti, ndimi makasika zvinhu zvose, zvakavapo, zvikasikwa nokuda kwenyu.”  
Zvakazarurwa 4:10,11.



83

Vakuru vakuru vaiva pamberi paMwari vaimurumbidza nekumunamata nekuti Ndiye Musiki.  
Naichochi chikonzero tinofanirawo kunamata Mwari wokudenga.



## 4 - MASANGA HERE KANA KUTI ZVAKARONGWA?



84

Ndiye akasika nyika nesu tese.

Asi ungava nemubvunzo wokuti, ndeupi humwe uchapupu hwekuti Mwari ndiye Musiki? Mwari pachavo vanotitaurira kuti uchapupu huripo hwakatitenderedza hwekuti Ndivo Muiti wedu.



85

(Chiverengo: VaRoma 1:20)

“Nokuti pakubvira pakusikwa kwenyika izvo zvake zvisingawonekwi, iro simba rake risingaperi nowuMwari Hwake,



86

zvinowonekwa kwazvo, zvichizikanwa pazvinhu zvakaitwa; kuti varege kuva nepembedzo.”

VaRoma 1:20

Kubva pakusikwa kwenyika paneuchapupu huripo pazvinhu zvese zvakasikwa kuti Mwari Ndivo Muiti wezvinhu izvozvi.



87

Sekuona kwataita patsoka dziri pajecha. Tinobva taziva kuti pange paine munhu kunyange iye munhu wacho asina kuonekwa.



88

Semaonero aunoita zvinhu zvakakutenderedza unoziva kuti pane akazvisika, zvinhu izvi zvakaita setsoka dzinokutaurira kuti panemunhu akaita kuti zvivepo.



89

Mwari Baba, sekutaura kweBhaibheri Vanga Vasiri Voga pabasa Ravo rekusika.



90

(Chiverengo: Genesi 1:26)

“Mwari akati: Ngatiite munhu nomufananidzo wedu, akafanana nesu...”

Bhuku raJohane rinozvitambanudza zvikuru chaizvo.

## 4 - MASANGA HERE KANA KUTI ZVAKARONGWA?



91

(Chiverengo: Johane 1:1-3)

**"Pakutanga Shoko rakanga riri'po, Shoko rakanga riri kunaMwari, Shoko rakanga ririMwari."**




92

**Pakutanga rakanga riri kunaMwari.**



93


**Zvinhu zvose zvakaitwa naye; kunze kwake hakuna-kuitwa kunyange chinhu chimwe chakaitwa.**



94

(Chiverengo: Johane 1:14)

**"Shoko rakazova nyama, rikagara pakati pedu, tikawona kubwinya kwake,**



95

**kubwinya sokwowakaberekwa mumwe chete waBaba), azere nenyasha nezvokwadi."**  
**Johane 1:14.**



96

**Bhaibheri rinotaura nezvatinoziva sekuti Mwari mumwe chete pahutatu hwake:**

**Mwari Baba, Mwari Mwanakomana, naMwari Mweya Mutsvene. Mwari vanosanganisira vanhu vatatu, vese vachifunga zvakafanana, asi vakapatsana.**



97

**Jesu vakabatsirana naMwari pakusika zvinhu zvese.**

## 4 - MASANGA HERE KANA KUTI ZVAKARONGWA?



98

(Chiverengo: VaEfeso 3:9)

...Zvakavanzika, zvakanza zvakafukidzwa munaMwari, wakasika zvose, kubva panguva yokutanga kubudikidza na Jesu Kristu.

Chipo chese chakanaka nechakaperera chakambowanikwa kuvanhu, kana chichawanikwa kuvanhu, chakavapo nokuti Musiki anopa kuvanhu makomborero ese aripo.



99

Mwari Havana kusika munhu nemufananidzo Wavo uye Vakamupa pekugara panyika pakanaka chete, asi kuti vanofunganyawo nezvinodiwa nevanhu Vavo:



100

(Chiverengo: Mapisarema 45:15,16)

“Meso avose anotarira kwamuri; Munovapa zvokudya zvavo panguva yakafanira.”



101

Munotadzanura ruwoko rwenyu, Nokugutisa zvipenyu zvose.”

Mapisarema 145:15,16.



102

Ngatitarisei zvimwe zvishoma zvinoratidza kuti Mwari anehanya nezvisikwa zvake. Funga nezvemvura yaunonwa. Inokuru hwakapfuura zvivakwa zvakare kana nezvikomo.



103

Mvura inokwanisa kukanganiswa kana kusvibiswa nezvimwe zvigadziga kana tsvina, asi zuva rinopisa kana kusasaudza mvura iyi ichiendeswa mumhepo,



104

inozova yakachena igoshandiswa zvakare, uye igounzwa kwatiri yave mvura inonaya, dova kana chando. Izvi zvakakosha uye zvinoshamisa zvakaitwa naMwari!

## 4 - MASANGA HERE KANA KUTI ZVAKARONGWA?



105

**Zvakare panesimba guru raMwari mudenga - simba rezuva!**

**Tora nguva umbofunga nazvo:**



106

**Dai zuva raive rakawedzera kukura kudarika zvariri kana kuti raiva pedyo pedyo nenyika kudarika zvariri, makungwa ose ainge achafashaira opera.**



107

**Dai zuva raive diki zvishoma pane zvariri kana kuti riri kure nesu chaizvo, kungadai kwaigara kune mazayi echando. Nenzira dzese kungadai kusina upenyu panyika. Asi Mwari Havana kusika zvinhu zvese chete, asi Ndivo vanozvichengeta zvese. Mweya watinofema chipo chinobva kunaMwari: Bhaibheri rinodaro,**



108

**(Chiverengo: Jobo 12:10)**

**"Mweya wezvipenyu zvose uri muruwoko rwake, Nokufema kwavanhu vose."**

**Jobo 12:10**



109

**Mwari Vakasika nyika, uye Vaiziva huwandu hwemweya watinofema kuti tirame nekuva neutano hwakanaka panyika.**



110

**Vaiziva zvakare nemweya yose yemumhepo kuti tinoda yakawanda sei.**

**Izvi zvese zvaisangovapo zvega!**



111

**Hapana mugumo panezvatakaitirwa naMwari munyika yedu - hapana mugumo pakuchengeta zvisikwa zvake. Chimbofunga nezveshiri dzinobva kune imwe nyika dzichienda kuneimwe, kuti zvinoshamisa sei.**



## 4 - MASANGA HERE KANA KUTI ZVAKARONGWA?




112

Shiri dzineuremu ushoma hwakadaro dzinokwanisa sei kubhururuka mitunhu nemitunhu yakareba, kudaro dzichienda kwadzisati dzakamboona?



113

Ko hove dzinokwanisa kuwana madziva adzakaberekerwa, ari kure kure mufambo wechiuru nemazana maviri mumakungwa sei? Dzakaziva sei nguva yekuenda nekwekuenda kwacho?



114

Ko iye wakadzidzisa nyuchi kugadzira uchi hunova chinhu chinoshamisa chichiitwa nechinhu chinepfungwa diki diki ndiyani? Ndiani mutungamiriri wazvose? Jobo anotitaurira:



115

(Chiverengo: Jobo 12:7-9)  
"Asi bvunzai henyu zvino mhuka, dzichakudzidzisa; Neshiri dzokudenga, dzichakuwudzai;



116

Kana taurai henyu nenyika, ichakudzidzisa; Nehove dzegungwa dzichakuparidzirai."



117

Ndianiko usingazivi pazvinhu izvi zvose, kuti ndirwo ruwoko rwaJehova rwakaita izvi zvose?"

Jobo 12:7-9.

Hongo, Mwari ndiye akazviita!

Basa redu rokunamata Mwari rakavakwa pamusoro pekuti Mwari ndiye Musiki wedu zvakare zvinhu zvese ndiye akazvisika.



118

(Chiverengo: Mapisarema 100:3)

"Zivai kuti Jehova Ndiye Mwari; Ndiye wakatiita, tiri vanhu Vake;

## 4 - MASANGA HERE KANA KUTI ZVAKARONGWA?



119

Tiri vanhu Vake, namakwai anofudzwa Naye.”  
Mapisarema 100:3.  
Mwari anoziva zvinoda, zvakare anesimba  
rocutigamuchidza zvinoda!



120

(Chiverengo: Jeremia 32:17)  
Jeremia anoti, “Haiwa, Ishe Jehova! Tarirai, imi makaita  
denga nenyika rose napasi nesimba renyu guru  
noruwoko rwenyu rwakatambanudzwa,



121

hakunachinhu chingakukonai imi.”




122

Hazvikupii munyararo mupfungwa here kuziva kuti  
Mwari anokwanisa kubata zvinhu zvese zviri munyika  
uye neupenyu hwako?  
Hapana dambudziko diki kuunza panaMwari  
wemasimba. Mwari Vanoziva zvese - Vanoziva  
kunyangwe nezvisati zvaitika.



123

(Chiverengo: Isaya 46:9)  
Anoti, “...ndini Mwari, hakuna-wakafanana neni;



124

Iye unoparidza kubva pakutanga izvo zvichaitika  
pakupedzisira, nokubva panguva yekare-kare zvinhu  
zvichigere kuitwa...”  
Isaya 46:10



125

Tinerunyararo nevimbo mukuziva kuti hapana  
chingaitika kwatiri chakaoma chekuti Mwari angatadza  
kuchigadzirisa.. Asi zvakanakira zvese,

## 4 - MASANGA HERE KANA KUTI ZVAKARONGWA?



126

(Chiverengo: 1 Johane 4:8)  
 “Mwari Rudo.”  
 Jesu Vakati:



127

(Chiverengo: Johane 16:27)  
 Nokuti Baba vamene Vanokudai...



128

(Video: 10 sec) Zvinokushamisa here kuti Mwari wemasimba akasika nekuchengetedza nyika yakakura zvakadai angava nehanya newe?  
 Zvakaoma kufunga nezvesimba raMwari risingaperi, huchenjeri hwake nekukwanisa kwake kuva panzvimbo dzese.  
 Rudo chinhu chatinokwanisa kunzwisisa. Hakuna chingatiparadzanisa murudo rwaMwari munyika!



129

(Chiverengo: VaRoma 8:38,39)  
 “Nokuti ndino ziva kwazvo kuti kunyange rufu, kana hupenyu, kana vatumwa, kana vakuru,



130

kana zvazvino, kana zvinouya,



131

kana masimba, kana kwakakwirira, kana kwakadzika, kana chinhu chimwe chakasikwa, hazvingagoni kutiparadzanisa norudo rwaMwari,



132

ruri munaKristu Jesu, Ishe wedu.”  
 VaRoma 8:38,39.

## 4 - MASANGA HERE KANA KUTI ZVAKARONGWA?



133

Mwari vanotida tichifadza kunyangwe tisingafadzi vadikanwi. Tinozviziva here izvozvo? Anotida kunyangwe tiri vatema kana vachena, varume kana vakadzi, vakanaka pauso kana vakaipa. Hakuna umwe munhu akaita saiye.

Asi chakakosha ndechekuti Anotida nekusingaperi!



134

(Chiverengo: Jeremia 31:3)

“...Zvirokwazvo, ndakakuda norudo rusingaperi...”



135

(Chiverengo: Mapisarema 100:5)

Dauida akanyora kuti: “Nokuti Jehova wakanaka; ngoni dzake dziripo nokusingaperi...”

Mapisarema 100:5.

Mwari Havatambudzwi nesu nyangwe zvodini! Havangatirasi, Vanesu nguva dzese, Havangatisii! Kana tichinyunyuta mupfungwa dzedu maererano nerudo rwake kwatiri, Mwari Anotsanangura rudo rwake nenzira yatichanzwisisa nayo:



136

(Chiverengo: Isaya 49:15,16)

Komukadzi ungakanganwa mwana wake waanomwisa, akasava netsitsi nomwanakomana wechizvarwa chake here?



137

Zvirokwazvo ava vangakanganwa, asi Ini handingakukanganwi.



138

Tarira, ndakakunyora pazvanza zvangu...”  
Isaya 49:16.



139

Mwari Vakaedza kuratidza rudo rwavo kumunhu, asi mashoko akaunzwa nevaporofita nengiroso haana kunge akakwana. Hatina kuwana mashoko acho.



## 4 - MASANGA HERE KANA KUTI ZVAKARONGWA?



140

Saka Mwari vakazotuma Mwanakomana wavo. Jesu aive arichiratidzo chakaperera chehunhu nechimiro cha Baba Vake Vari Mwari.



141

(Chiverengo: Johane 14:9)  
Akati, "Wandiwona Ini, wawona Baba..."



142

Kana tichida kuziva kuti Mwari Vakaita sei uye kuti Vanonzwa sei pamusoro pedu, tinofanira kuverenga upenyu hwa Jesu Kristu. Akatora chimiro chedu akaita sezvatiri, kuitira kuti agosvikira pazvidiso zvedu. Akaparidzira mashoko akanaka oruponeso kuvarombo. Akaporesa avo vaive nemoyo yakakuhunika Akasvinudza mapofu.



143

Akapa kudya kune vaive nenzara akadya nevanhu mudzimba dzavo. Akavakanganwira zvitema zvavo akavapa tariro remangwana rakanaka.



144

Uso Hwake hwakaonekwa nevazhinji. Inzwi rake rakanzwikwa nevazhinji. Akaparadzira upenyu nemufaro mumamisha nemumadhorobha maaifamba. Upenyu Hwake hwaive hwekuzviramba uye Ainyanya kufunga pamusoro pevamwe.



145

Apo patinoona kunyadziswa, kutukwa, uye kudzikisirwa kwaakaitwa, rufu Rwake pamuchinjikwa nekudzimbikana kwemoyo Wake, ndipo patinobva tatanga kunzwisisa zvishoma nerudo rwaMwari kuvana Vake.



146

(Chiverengo: Johane 3:16)  
Nokuti Mwari wakada nyika nokudaro, kuti wakapa Mwanakomana wake wakaberekwa mumwe woga,

## 4 - MASANGA HERE KANA KUTI ZVAKARONGWA?



147

kuti aninani unotenda kwaari, arege kufa, asi ave nohupenyu husingaperi.”  
Johane 3:16.



148

Ndiani uyu Mwari wenyika yese?  
Ndiye Musiki Mukuru.  
Ndiye Unopa nekushamisa.  
Ndiye Muiti anoshamisa.  
Ndivo Baba Vanorudo.



149

Makore akawanda apfuura chimwe chikomana chakawirwa netsaona. Akatakurirwa kuchipatara akuvara zvikuru.  
Chikomana ichi chaida kuwedzerwa ropa pakarepo. Hapana akawanikwa kuti ape ropa racho. Baba vemwana uyu vaive neropa rakafanana neromwana wavo vakazobvuma kupa ropa ravo.  
Vanachiremba vakabva vatanga kuburitsa ropa kubva mumuviri wababa richienda kumwanakomana.  
Paierera ropa richibva neparuwoko rwababa richipfuura nepachubhu richienda kumwanawavo, baba ava vakatarisa chiremba nemisodzi muizwi ravo vakati; “Chiremba, kana zvakafanira, torai rese. Chiremba ndinozvipira kupa ropa rangu rese kumwanakomana wangu.”



150

Baba vedu vari kudenga Vakatarisa panyika yavakasika vakaona yakarasika muchitema. Vakapa zvese denga raikwanisa kupa muMwanakomana wake.  
Jesu Vanoti, “Baba kana muchida, torai zvese. Torai donwe rese reropa rangu muponese mwanakomana, mwanasikana, neshamwari yangu.”

## 4 - MASANGA HERE KANA KUTI ZVAKARONGWA?



151

Ko ungatiza sei kubva kurudo rwakadaro? Samasimba, Mwari Vanerudo Vakakusika. Pakatadza vanhu vese, Vakazvipira zvese nekuda kwako.

Vanehanya newe. Vanokuda nerudo runoshamisa.

Patichakotamisa uso tichinamata pamanheru aya, ungada here kusimudza ruwoko rwako uchiti. "Mwari ndinovhura mwoyo wangu kurudo rwenyu.

Ndinotenda nekundisika nekundidzikinura kwamakaita. Ndinozvipira upenyu hwangu kwamuri iyezvino."

4 - MASANGA HERE KANA KUTI ZVAKARONGWA?